

FILOZOFSKI FAKULTET U SARAJEVU

Centar za naučnoistraživački rad i stručne aktivnosti (Centar NIRSA)

Odlukom nastavno-naučnog vijeća Filozofskog fakulteta u Sarajevu od 8.12.2010.god (broj odluke: 02-01/858) formiran je i stavljen u rad Centar za naučnoistraživački rad i stručne aktivnosti (u daljem tekstu se koristi akronim: Centar NIRSA). Za voditelja Centra NIRSA postavljen je profesor d.r Nijaz Ibrulj. Podršku u radu Centra NIRSA pružit će stručne službe Filozofskog fakulteta do stvaranja uvjeta za upošljavanje sekretara Centra.

Namjena Centra NIRSA je da bude

**CENTAR ODLIČNOSTI-INSTITUCIONALNA PLATFORMA
ZA NAUČNOISTRAŽIVAČKI RAD I STRUČNE AKTIVNOSTI**

Centar za naučnoistraživački rad i stručne aktivnosti Filozofskog fakulteta (Centar NIRSA) treba da pruži intelektualnu, tehničku, komunikacijsku, informacijsku, informatičku, referencijalnu i administrativnu platformu za bavljenje naučnim, istraživačkim i stručnim radom uposlenika na Filozofskom fakultetu u Sarajevu kao naučnoistraživačkoj instituciji.

Na taj način će se stvoriti uvjeti da Filozofski fakultet u Sarajevu funkcioniра samostalno i organizirano, ne samo u nastavnim nego i u naučno-istraživačkim aktivnostima.

Formiranjem Centra NIRSA na Filozofskom fakultetu formira se jedinstven prostor za naučnoistraživački rad i stručne aktivnosti uposlenika i jača osnova za uspostavljanje liderstva (akademske odličnosti) u akademskom prostoru BiH.

Organizacijski i materijalno Centar NIRSA treba da objedini sve kadrovske potencijale, sve oblasti bavljenja naučnoistraživačkim radom, sve forme stručnih aktivnosti i da im pruži podršku u svim aspektima djelovanja.

Ovim aktivnostima Centra NIRSA Filozofski fakulteta u Sarajevu dobija otvorenu platformu za institucionalno, interdisciplinarno i multidisciplinarno bavljenje naučnim, istraživačkim i stručnim radom, te aktivira mogućnost dizajniranja integriranih projekata i mreža odličnosti.

Filozofski fakultet u Sarajevu će ovom organizacijom biti prepoznat od strane naučnoistraživačkih institucija zemalja Evropske zajednice, Jugoistočne Evrope i regiona kao sposoban i validan partner u međunarodnoj akademskoj komunikaciji.

Ujedno će ovim činom biti uspostavljen unutarinja infrastruktura za istraživače na Filozofskom fakultetu u Sarajevu. Na jednom mjestu i na jednoj platformi biti će objedinjeni: saradnja, ideje, ljudi i kapaciteti za naučni, istraživački i stručni rad.

Voditelj Centara NIRSA će izraditi razvojni projekat opremanja Centra i prijaviti Filozofski fakultet u Sarajevu na konkurse FMON-a i MONKSA u 2011.godini kako bi se pridobila sredstva za opremanje i razvoj Centra NIRSA.

Planirane su sljedeće organizacijske cjeline u okviru Centra NIRSA:

Znanstvenoistraživački instituti

Institut za humanistička istraživanja
Institut za društvena istraživanja
Institut za jezikoslovna istraživanja
Institut za interdisciplinarna istraživanja
Znanstvenoistraživački inkubator

Edukacijski centri

Centar za cjeloživotno obrazovanje i pedagošku specijalizaciju
Centar za psihološka istraživanja, savjetovanje i edukaciju
Centar za učenje jezika
Prevodilački centar

Infrastrukturne jedinice

Jedinica za bibliotečko-informacijsku podršku
Jedinica za informatičko-komunikacijsku podršku
Jedinica za administrativnu podršku
Jedinica za izdavačku podršku

Centar NIRSA će funkcionirati po evropskim standardima kao centar odličnosti za humanističke i društvene nauke. Cilj Centra je da objedinjavanjem svih relevantnih domena naučnoistraživačkog rada postigne liderstvo istraživača Filozofskog fakulteta u Sarajevu na ovom području i da bude priznat kao centar odličnosti u BiH i regionu.

Na taj način će Filozofski fakultet kao naučnoistraživačka institucija doprinijeti formiranju Evropskog istraživačkog prostora (*European Research Area – ERA*) i razvoju društvenih sektora zasnovanih na znanju.

Da bi se to ostvarilo u punom značenju i na temelju standarda u naučnoj i akademskoj zajednici Evrope i Svijeta, Centar NIRSA će kao otvorena akademska platforma integrirati u sebi sljedeće domene:

RESURSI: LJUDI, IDEJE, SARADNJA, KAPACITETI

Centar NIRSA će okupiti kritičnu masu naučnika, istraživača i stručnjaka na području društvenih i humanističkih nauka koji su sposobni napraviti integrirane projekte i primjenjivati konzorcije metodologija potrebne za interdisciplinarna istraživanja.

Preko Centra NIRSA suradivati će 88 doktora nauka, 43 magistra nauka, 30 naučnih saradnika-asistenata i 15 lektora. Ukupno će za Centar NIRSA biti vezano 170 uposlenika čiji je akademski rad na polju humanističkih i društvenih znanosti osnova nacionalnih istraživačkih projekata kao i osnova za trans-nacionalne projekte implementirane putem kolaborativnih projekata, mreža odličnosti, aktivnosti koordinacije i podrške, istraživanja na granicama nauke, podrške treningu i unaprjedenju karijera istraživača, te istraživanja u cilju podrške specifičnim grupama.

U Centru NIRSA će mladi istraživači-asistenti, koji nemaju dovoljan broj sati u nastavi, dopunjavati i ostvarivati svoju normu baveći se svojim naučnoistraživačkim radom i sudjelovanjem u izgradivanju platforme centra u domeni njihove osposobljenosti.

Centar NIRSA će raditi na

- strukturalnim aktivnostima naučnoistraživačkog rada i umrežavanju ljudi, ideja, projekata i kapaciteta. Time će biti ostvareni uvjeti za dizajniranje integriranih projekata (interdisciplinarnih i multidisciplinarnih projekata);
- na mobilnosti istraživača kroz forsiranje izlaznih međunarodnih razmjena, receptivne međunarodne razmjene i partnerstva između međunarodnih istraživačkih organizacija u Evropi i Bosni i Hercegovini.

KOMUNIKACIJSKO SREDIŠTE

Prostor dodjeljen Centru NIRSA (soba br.8/P) služi kao radni prostor u kojem će voditelj centra i sekretar centra, skupa sa mladim istraživačima-asistentima, znanstvenim savjetnicima, stručnim saradnicima i saradnicima organizirati funkcioniranje sistema za podršku naučnoistraživačkom i stručnom radu.

Centar NIRSA će služiti kao

- komunikacijsko središte za dogovaranje i planiranje;
- mjesto za vođenje razgovora između timova u interdisciplinarnim projektima;
- mjesto za vođenje razgovora i potpisivanje ugovora između projektnih timova Filozofskog fakulteta u Sarajevu i stranih partnera u projektima;
- prostor za edukaciju istraživačkih timova od strane voditelja projekata ili organizacije (ministarstava, fondacija, naručilaca istraživanja) koja raspisuje konkurs;
- prostor za prezentaciju i izradu projektne dokumentacije;
- mjesto za deponovanje elektronske prijave projekata;
- terminal za oficijelnu elektronsku prijavu projekata;
- prostor za prezentaciju naučnoistraživačkih programa koje akademskoj zajednici nude nadležne državne institucije, fondacije i organizacije;
- prostor za sklapanje i zaključivanje ugovora o vršenju edukacijskih usluga od strane edukacijskih centara koji će biti organizirani u sastavu Centra NIRSA;
- audio i video-soba za održavanje internetnih video-konferencija između učesnika u projektima preko video-linka, odnosno za internetne video-konsultacije sa partnerima u evropskim i regionalnim, odnosno nacionalnim i multinacionalnim projektima.

INFORMACIJSKO SREDIŠTE

Centar NIRSA će služiti kao

- referencijski centar za bibliotečke jedinice za saradnike Centra NIRSA (koji su istvorene u nastavnici i suradnici u nastavnom procesu);
- referencijski centar za programe na osnovu kojih će projektni timovi i pojedinci dizajnirati projektnu dokumentaciju;
- terminal za pristup naučnim i referencijskim bazama podataka koje su dostupne samo preko računara istraživačke institucije;
- terminal za instaliranje i upotrebu prevodilačkih softvera;

- terminal za korištenje IBM SPSS ili statističkih softwera u empirijskim istraživanjima na području društvenih znanosti;
- terminal za prikupljanje, pohranjivanje i korištenje elektronskih knjiga;
- banka podataka o naučnim aktivnostima u područjima društvenih i humanističkih znanosti
- banka podataka o naučnoistraživačkim konkursima u BiH, Evropi i Svijetu.

ADMINISTRATIVNO-TEHNIČKI TERMINAL

Kao podrška naučnoistraživačkom radu i stručnim aktivnostima uposlenika na Filozofskom fakulteta u Sarajevu u Centru NIRSA biti će objedinjene forme podrške, ljudi i kapaciteti koji su do sada ostajali izvan projekata, u finansijskom i organizacijskom smislu. Sada će podrška koju pružaju uposlenici stručnih službi postati vidljiva ne samo u organizaciji nastave, nego i u organizaciji podrške za naučnoistraživački i stručni rad. Uz naučnoistraživačke institute i edukacijske centre u Centru NIRSA će djelovati i Infrastrukturne jedinice.

- *Jedinica za bibliotečko-informacijsku podršku* - preko koje će istraživači i istraživački timovi moći realizirati formiranje i korištenje specifičnih baza podataka, ekslopataciju podataka, pretraživanje naučnih baza podataka, dostup do printane referencijske gradje, dostup do elektronskih referencijskih zbirki, itd.
- *Jedinica za informatičko-komunikacijsku podršku* - preko koje će istraživači i istraživački timovi moći realizirati informatičku obradu podataka relevantnih za njihova istraživanja i istraživačke projekte, upotrebu statističkih softvera, upotrebu komunikacijske tehnologije za video-konferencije, diseminaciju rezultata istraživanja, elektronsko prijavljivanje projekata, elektronsko deponovanje projekata, itd.
- *Jedinica za administrativnu podršku* - preko koje će istraživači i istraživački timovi dobiti pomoć u prikupljanju dokumentacije vezane za prijavu projekata, administrativno-finansijsku konstrukciju naučnoistraživačkih projekata, protokolisanje i registriranje projekata, planiranje prostora i vremena za edukacijske projekte, finansijsku konstrukciju komercijalnih projekata u edukacijskim centrima, itd.
- *Jedinica za izdavačku djelatnost* - preko koje će rezultati istraživanja biti publicirani.

Profesor dr. Ivo Komšić

Profesor dr.Nijaz Ibrulj

DEKAN FILOZOFSKOG FAKULTETA

VODITELJ CENTRA NIRSA